

Bimbang rumah runtuh



MAIMUNAH melihat keadaan tebing diur Sungai Por sedalam 30 meter yang mengalami hakisan.

Kuala Berang: Lima seke-luarga termasuk seorang warga emas kebimbangan berikutan rumah mereka diancam keruntuhan tebing Sungai Kuala Por, di sini, sejak tahun lalu.

Maimunah Omar, 80, mendakwa jarak rumahnya kini hanya kira-kira lapan meter dari alur sungai terbabit yang tebingnya dianggarkan sedalam 30 meter.

Katanya, kejadian terbaru berlaku dua minggu lalu

mengakibatkan sebahagian tanah menggelongsor ke dalam sungai selain banyak pokok turut tumbang.

"Kejadian paling buruk berlaku Mei tahun lalu apabila sebahagian tanah menggelongsor bersama pokok ke dalam sungai dalam jumlah yang banyak sehingga mengakibatkan kedudukan rumah menjadi semakin hampir dengan sungai itu.

"Dalam kejadian itu satu dentuman kuat berlaku se-

hingga dapat didengari pada jarak lebih 100 meter selain rumah saya dan anak terletak berhampiran mengalami gegaran," katanya ketika ditemui di rumahnya, di sini, semalam.

Maimunah berkata, akibat kejadian itu penduduk kampung datang membantunya dengan bergotong-royong membersihkan sisa pokok tumbang bagi mengelak terhempap ke rumahnya.